



## O'ZBEKISTON RESPUBLIKASI SUV XO'JALIGI VAZIRLIGI HAY'AT QARORI

2025-yil 5-dekabr

№ 18/1

Toshkent sh.

**Ijro intizomiga qat'iy rioya etilishini ta'minlash, "Ijro.gov.uz" tizimidagi O'zbekiston Respublikasi Prezidenti, Prezident Administratsiyasi rahbarining va Vazirlar Mahkamasining hujjatlari bilan vazirlikka yuklatilgan topshiriqlar ijrosi 2025-yil noyabr oyi yakunlari, dekabr oyida bajarilishi lozim bo'lgan topshiriqlar ijrosini barvaqt bajarish bo'yicha oldindan zarur chora-tadbirlarni ko'rish, topshiriqlarning ijrosini o'z vaqtida, samarali va to'liq hajmda bajarish yuzasidan rahbar-xodimlarning shaxsiy mas'uliyati va javobgarligini oshirish to'g'risida.**

Vazirlik hay'ati qayd etadiki, 2025-yilning noyabr oyi davomida O'zbekiston Respublikasi Prezidentining 2021-yil 10-fevraldagi PF-6166-son va 2025 yil 25-yil iyuldagi PF-117-sonli Farmonlari hamda 2021-yil 31-maydagi PQ-5132-sonli qarori asosida ijro intizomiga qat'iy rioya etish, "Ijro.gov.uz" tizimidagi O'zbekiston Respublikasi Prezidenti, Prezident Administratsiyasi rahbarining va Vazirlar Mahkamasining topshiriqlari ijrosini ta'minlash borasida qat'iy tartib, intizom va tizimli nazorat o'rnatilib muayyan natijadorlikka erishilgan.

2025-yilning noyabr oyida ijrosi ta'minlanishi lozim bo'lgan O'zbekiston Respublikasi Prezidenti, Prezident Administratsiyasi rahbarining va Vazirlar Mahkamasining hujjatlari bilan vazirlikka yuklatilgan topshiriqlarni 25-noyabrga qadar ijrosini ta'minlashga qaratilgan I-II-kartoteka topshiriqlar ro'yxati 7-oktyabr kuni, vazir o'rinbosarlari kesimidagi Kalendar reja hamda "Yo'l xarita"lar ishlab chiqilib, 25-oktyabr kuni Vazir imzosi bilan eslatma va ijro uchun barcha vazir o'rinbosarlari, vazirlik markaziy apparatining boshqarma va mustaqil bo'lim boshliqlari hamda vazirlik tasarrufidagi respublika tashkilotlari rahbarlariga yetkazilgan.

Vazirlik markaziy apparati yig'ilishlarida hamda har haftaning dushanba kunlari Vazir huzurida o'tkaziladigan yig'ilishlarda O'zbekiston Respublikasi Prezidenti, Prezident Administratsiyasi rahbarining va Vazirlar Mahkamasining hujjatlari bilan vazirlikka yuklatilgan topshiriqlarning 40,0 foizini 10 sanaga qadar, 60,0 foizini 15 sanaga qadar, 80,0 foizini 20 sanaga qadar hamda qolgan barcha topshiriqlar ijrosini 25 sanaga qadar 100,0 foiz qilib ta'minlash bo'yicha muntazam ravishda tegishli ko'rsatmalar va topshiriqlar berilgan.

Buning natijasida, hisobot davrida qat'iy tartib, intizom va tizimli nazorat o'rnatish hisobiga "Ijro.gov.uz" tizimidagi 22 ta O'zbekiston Respublikasi Prezidenti Administratsiyasi rahbarining 28 ta topshiriqlari hamda 58 ta Vazirlar Mahkamasining topshiriqlari ijrosi to'liq ta'minlangan holda nazoratdan chiqarilgan bo'lib natijadorlikka erishilgan bo'lsa, 68 ta O'zbekiston Respublikasi Prezidenti topshiriqlaridan 67 tasi, ya'ni 98,5 foizi bajarilib, 1 ta (1,5 foiz) topshiriq ijrosi ta'minlanmagan.

Jumladan, Vazir o'rinbosari M.Karimov hamda Davlat-xususiy sheriklik va outsorsing xizmatini rivojlantirish bo'limi boshligi v.b A.Tagayevlar tomonidan O'zbekiston Respublikasi Prezidentining 2024-yil Namangan viloyatiga tashrifi yakunlari bo'yicha o'tkazilgan 21-2024-sonli yig'ilish bayonining ijro muddati 1-noyabr bo'lgan 39.3-bandi

topshirig'i, ya'ni 100 ta quduq bo'yicha tashabbuskorlar bilan belgilangan tartibda davlat-xususiy sheriklik shartnomalarini tuzish topshirig'i ijrosi ta'minlanmasdan qolgan.

Mazkur topshiriq ijrosini barvaqt bajarish bo'yicha oldindan zarur chora-tadbirlar ko'rilmagan, topshiriq ijro muddati o'tib ketgandan keyin ushbu topshiriq ijrosini nazoratdan yechish bo'yicha vazirlikning 2025-yil 18-noyabrda 01/23-1611-sonli xati orqali Adliya vazirligiga va Vazirlar Mahkamasiga murojaat qilingan.

2025-yilning dekabr oyida ijrosi ta'minlanishi lozim bo'lgan O'zbekiston Respublikasi Prezidenti, Prezident Administratsiyasi rahbarining va Vazirlar Mahkamasining topshiriqlarini 25-dekabrga qadar ijrosini ta'minlashga qaratilgan vazir o'rinbosarlari kesimidagi *Kalendar reja* hamda "*Yo'l xarita*"lar 27-oktyabr kuni hamda I-II-kartoteka topshiriqlar ro'yxati 11-noyabr kuni eslatma va ijro uchun barcha vazir o'rinbosarlari, vazirlik markaziy apparatining boshqarma va mustaqil bo'lim boshliqlari hamda vazirlik tasarrufidagi respublika tashkilotlari rahbarlariga yetkazilgan.

2025-yilning dekabr oyida ijrosi ta'minlanishi lozim bo'lgan O'zbekiston Respublikasi Prezidentining topshiriqlardan Suv xo'jaligi loyihalarini amalga oshirish departamenti (N.Xo'jaqulov)da-116 ta, Suv tejaydigan texnologiyalarni joriy qilish boshqarmasi (D.Qdirbayev), Transchegaraviy suv resurslarini boshqarish va suv kadastri boshqarmasi (J.Abdurazzoqov), Nasos stansiyalaridan foydalanish boshqarmasi (O.Abdullayev) -11 tadan, Melioratsiya obyektlaridan va mexanizmlaridan foydalanish boshqarmasi (D.Axmatov)da - 10 ta, Suv xo'jaligida xorijiy investitsiya loyihalarini amalga oshirish markazi (S.Astanov) va Moliya-iqtisod masalalari boshqarmasi (V.Raximov)da-9 tadan, Raqamli texnologiyalarni joriy etish va rivojlantirish bo'limi (U.Kuchkarov)da-7 ta hamda Irrigatsiya tizimlari va yirik gidrotexnik inshootlardan foydalanish boshqarmasi (R.Tashev)da-5 ta topshiriqlar ijrosini barvaqt bajarish bo'yicha oldindan zarur chora-tadbirlarni ko'rilmagan, ijro muddatini kutib o'tirish holatlariga yo'l qo'yilmoqda.

Yuqoridagilardan kelib chiqib, taqdim etilgan hisobot va axborotlarni tinglab hamda muhokama qilib ijro intizomiga rioya qilish borasida noyabr oyida yo'l qo'yilgan sustkashlik, xato va kamchiliklarni bartaraf etish, dekabr oyida "Ijro.gov.uz" tizimidagi O'zbekiston Respublikasi Prezidenti, Prezident Administratsiyasi rahbarining va Vazirlar Mahkamasining topshiriqlari ijrosini barvaqt bajarish bo'yicha oldindan zarur chora-tadbirlarni ko'rish orqali belgilangan muddatlarda, to'laqonli va sifatli ta'minlash, qat'iy tartib, intizom va tizimli nazorat o'rnatish hisobiga natijadorlikka erishish yuzasidan boshqaruvning barcha darajadagi rahbar va mutaxassislarining shaxsiy mas'uliyati va javobgarligini kuchaytirish maqsadida hay'at yig'ilishi

### **Qaror qiladi:**

1. *Ijro intizomiga qat'iy rioya etilishini ta'minlash, "Ijro.gov.uz" tizimidagi O'zbekiston Respublikasi Prezidenti, Prezident Administratsiyasi rahbarining va Vazirlar Mahkamasining hujjatlari bilan vazirlikka yuklatilgan topshiriqlar ijrosi 2025-yil noyabr oyi yakunlari, dekabr oyida bajarilishi lozim bo'lgan topshiriqlar ijrosini barvaqt bajarish bo'yicha oldindan zarur chora-tadbirlarni ko'rish, topshiriqlarning ijrosini o'z vaqtida, samarali va to'liq hajmda bajarish yuzasidan rahbar-xodimlarning shaxsiy mas'uliyati va javobgarligini oshirish to'g'risidagi axborot **rahbarlik va ijro uchun qabul qilinsin.***

2. Vazir o'rinbosarlari, vazirlik markaziy apparatining boshqarma va mustaqil bo'lim boshliqlari hamda vazirlik tasarrufidagi respublika va tizim tashkilotlari rahbarlari tomonidan 2025-yil noyabr oyi davomida ijro intizomiga rioya etish, "Ijro.gov.uz" tizimida nazoratda bo'lgan O'zbekiston Respublikasi Prezidenti, Prezident Administratsiyasi rahbarining va Vazirlar Mahkamasining hujjatlari bilan vazirlikka yuklatilgan topshiriqlar ijrosini ta'minlash, shuningdek, vazirlik va idoralar, Qoraqalpog'iston Respublikasi Vazirlar

Kengashi va viloyatlar hokimliklaridan kelib tushayotgan barcha hujjatlarning ijrosini belgilangan muddatlarda ta'minlash borasida olib borilgan ishlar **qoniqarsiz deb topilsin**.

3. Vazirlikning 2025-yil 2-dekabrda "Intizomiy jazo chorasi qo'llash to'g'risida"gi 211-sonli buyrug'i bilan:

Vazir o'rinbosari M.Karimovga lavozimga yangi tayinlanganligini hisobga olib, O'zbekiston Respublikasi Prezidenti, Prezident Administratsiyasi rahbarining va Vazirlar Mahkamasining hujjatlari bilan vazirlikka yuklatilgan topshiriqlarining ijrosini bajarish hamda ijro intizomiga rioya etish borasida talabchanlikni susaytirib yuborganligi hamda bu borada xato va kamchiliklarga yo'l qo'yganligi uchun **"ogohlantirish"** e'lon qilinganligi;

"Ijro.gov.uz" tizimidagi O'zbekiston Respublikasi Prezidentining topshiriqlari ijrosini ta'minlashga mas'uliyatsizlik bilan yondashganligi va ijro intizomiga rioya qilmaganligi uchun Davlat-xususiy sheriklik va autorsing xizmatini rivojlantirish bo'limi boshqarma boshlig'i v.b A.Tagayev, boshqarma bosh mutaxassislari Z.Jumashev, J.Akramov hamda yetakchi mutaxassislari T.Ro'ziboyev, A.Turakeldiyev va Sh.Yoqubovlarga O'zbekiston Respublikasi Suv xo'jaligi vazirligi huzuridagi Suv xo'jaligini rivojlantirish jamg'armasi mablag'lari hisobidan ajratiladigan **noyabr oyi uchun hisoblanadigan lavozim maoshlariga ustamalar berilmaganligi**;

Vazirlikka kelib tushayotgan xat va hujjatlarning ijrosini kechiktirishiga muntazam (tizimli) ravishda yo'l qo'yilayotganligi hamda ijro intizomini mustahkamlash borasida dunyoqarashini o'zgartirmayotganligi sababli noyabr oyida vazirlik va idoralardan kelib tushayotgan jami 12 ta topshiriqlar ijro muddatidan kechiktirib bajarganligi uchun vazirlikning 2025-yil 7-oktyabrda 16/2-sonli hay'at qarori bilan O'zbekiston Respublikasi Mehnat kodeksining 312-moddasi 1-qismi 1-bandiga muvofiq "hayfsan" e'lon qilinganligini hisobga olib, Suv xo'jaligida xorijiy investitsiya loyihalarini amalga oshirish markazi direktori v.b S.Astanovga O'zbekiston Respublikasi Mehnat kodeksining 312-moddasi 1-qismi 2-bandiga asosan **o'rtacha oylik ish haqining o'ttiz (30) foizi miqdorida jarima qo'llanilganligi** ma'lumot uchun qabul qilinsin.

4. 2025-yilning dekabr oyida ijrosi ta'minlanishi lozim bo'lgan O'zbekiston Respublikasi Prezidenti, Prezident Administratsiyasi rahbarining va Vazirlar Mahkamasining topshiriqlarini 25-dekabrga qadar ijrosini ta'minlashga qaratilgan vazir o'rinbosarlari kesimidagi *Kalendar reja* hamda *"Yo'l xarita"*lar 27-oktyabr kuni hamda I-II-kartoteka topshiriqlar ro'yxati 11-noyabr kuni eslatma va ijro uchun barcha vazir o'rinbosarlari, vazirlik markaziy apparatining boshqarma va mustaqil bo'lim boshliqlari hamda vazirlik tasarrufidagi respublika tashkilotlari rahbarlariga yetkazilgan.

2025-yil 25-oktyabr kuni Suv xo'jaligi vaziri Sh.Xamrayev tomonidan tasdiqlangan joriy yilning **dekabr oyida** ijrosi ta'minlanishi lozim bo'lgan O'zbekiston Respublikasi Prezidenti, Prezident Administratsiyasi rahbarining va Vazirlar Mahkamasining topshiriqlarini 25 dekabrga qadar ijrosini ta'minlashga qaratilgan vazir o'rinbosarlari kesimidagi *Kalendar reja* hamda *"Yo'l xarita"*lar hamda 11-noyabr kuni tasdiqlangan I-II-kartoteka topshiriqlar ro'yxati **ijro uchun qabul qilinsin**.

**Belgilab qo'yilsinki**, O'zbekiston Respublikasi Prezidenti, Prezident Administratsiyasi rahbarining va Vazirlar Mahkamasining topshiriqlari ijrosini belgilangan muddatlarda to'liq va sifatli bajarilishi, shuningdek, ularning ijro holati to'g'risidagi ma'lumotlarning to'g'riligi va ishonchliligiga hamda "Ijro.gov.uz" tizimiga o'z vaqtida kiritilishiga Vazirning barcha o'rinbosarlari shaxsan mas'ul hisoblanadilar.

5. Vazirning birinchi o'rinbosari Z.Ishpulatov, Vazir o'rinbosarlari R.Qarshiyev, O'.Sheraliyev va M.Karimov, vazirlik markaziy apparatining boshqarma va mustaqil bo'lim boshliqlari hamda vazirlik tasarrufidagi respublika va tizim tashkilotlari rahbarlariga:

**bir kun muddat ichida** mazkur yig'ilish qarorini har bir xodimga o'qib eshittirish, uning mazmun-mohiyatini yetkazish, ijro intizomiga rioya qilinmaganda, shuningdek,

topshiriqlarning ijrosi belgilangan muddatlarda ta'minlamagan taqdirda intizomiy jazo chorasi muqarrarlari, O'zbekiston Respublikasi Suv xo'jaligi vazirligi huzuridagi Suv xo'jaligini rivojlantirish jamg'armasi mablag'lari hisobidan ajratiladigan mukofot va rag'batlantirish mablag'laridan chegirib qolinishi haqida rasman ogohlantirish orqali barcha darajadagi rahbar va xodimlarning shaxsiy mas'uliyati va javobgarligini kuchaytirish;

2025-yilning **dekabr oyida** ijrosi ta'minlanishi lozim bo'lgan O'zbekiston Respublikasi Prezidenti, Prezident Administratsiyasi rahbarining va Vazirlar Mahkamasining topshiriqlarning 50,0 foizini 10-dekabrga qadar, 70,0 foizini 15-dekabrga qadar, 90,0 foizini 20-dekabrga qadar hamda qolgan barcha topshiriqlar ijrosini 25-dekabrga qadar 100,0 foiz qilib ta'minlash;

O'zbekiston Respublikasi Prezidenti, Prezident Administratsiyasi rahbarining va Vazirlar Mahkamasining topshiriqlarini tahlil qilib, ushbu topshiriqlar ichidan mablag' talab qilinadigan va xorijiy mamlakatlar, shu jumladan, Xalqaro moliya institutlari va chet el investitsiyalari bilan bog'liq masalalar bo'yicha birinchi navbatda shug'ullanib, ularni to'laqonli va sifatli ta'minlash bilan bog'liq chora-tadbirlarni belgilash va amalga oshirish;

har bir berilgan ko'rsatma va topshiriqlarga asosan, ijro intizomi masalasiga yuqori mas'uliyat bilan yondashgan holda belgilangan topshiriqlar ijrosini o'z vaqtida, to'liq va sifatli ta'minlash bo'yicha ishlarni to'g'ri rejalashtirish, topshiriq ijrosini amalga oshirish uchun eng kam mablag', resurs va energiya sarflanishi zarurligini inobatga olish;

topshiriqlarni ijro muddatidan barvaqt bajarish bo'yicha oldindan zarur chora-tadbirlarni belgilash va amalga oshirish, yuzaga kelayotgan har bir muammoli masalani vazir o'rinbosarlari, lozim bo'lsa Vazir huzurida muhokama qilib, hamkorlik va muloqot asosida hal etish vazifalari yuklatilsin.

6. Vazirlikning 2025-yil 5-noyabrdagi 192-sonli buyrug'i bilan tashkil etilgan O'zbekiston Respublikasi Prezidenti, Prezident Administratsiyasi rahbarining va Vazirlar Mahkamasining topshiriqlari ijrosini belgilangan muddatlarda, to'laqonli va sifatli ta'minlash, qat'iy tartib, intizom va tizimli nazorat o'rnatish bo'yicha respublika Shtabi (R.Qarshiyev)ga:

**har haftada kamida ikki marotaba** O'zbekiston Respublikasi Suv xo'jaligi vazirligining ZOOM platformasi orqali videokonferensaloqa (VKA) shaklidagi yig'ilishlarni o'tkazib, "Ijro.gov.uz" tizimidagi O'zbekiston Respublikasi Prezidenti, Prezident Administratsiyasi rahbarining va Vazirlar Mahkamasining hujjatlari bilan vazirlikka yuklatilgan topshiriqlar ijrosini tanqidiy ruhda muhokama qilish;

topshiriqlar ijrosini barvaqt bajarish bo'yicha oldindan zarur chora-tadbirlarni ko'rish orqali belgilangan muddatlarda, to'laqonli va sifatli ta'minlash, qat'iy tartib, intizom va tizimli nazorat o'rnatish hisobiga natijadorlikka erishish yuzasidan Qoraqalpog'iston Respublikasi Suv xo'jaligi vaziri, irrigatsiya tizimlari havza boshqarmalari, vazirlik tasarrufidagi respublika va tizim tashkilotlari hamda "Suvqurilishinvest" davlat muassasalari rahbarlarining shaxsiy mas'uliyati va javobgarligini kuchaytirish;

ijro intizomiga rioya qilmayotgan, "Ijro.gov.uz" tizimidagi O'zbekiston Respublikasi Prezidenti, Prezident Administratsiyasi rahbarining va Vazirlar Mahkamasining hujjatlari bilan vazirlikka yuklatilgan topshiriqlar ijrosini ta'minlashga e'tiborsizlik va mas'uliyatsizlik bilan yondashayotgan rahbar-xodimlarga nisbatan tegishli intizomiy jazo choralari qo'llash yuzasidan Vazirlik rahbariyatiga asoslangan xulosa va takliflar (*intizomiy jazo chorasi qo'llash yuzasidan buyruq loyihasi*) taqdim etish vazifalari topshirilsin.

7. Vazir yordamchisi S.Alimov hamda Tashkiliy-nazorat va tahlil bo'limi boshlig'i M.Ibragimovlarga:

Suv xo'jaligi vaziri Sh.Xamrayev tomonidan tasdiqlangan I va II kartotekaga kiritilgan O'zbekiston Respublikasi Prezidenti, Prezident Administratsiyasi rahbarining va Vazirlar

Mahkamasining topshiriqlari ro'yxati, Kalendar reja hamda vazir o'rinbosarlari kesimidagi "Yo'l xarita"lar ijrosi yuzasidan kunbay tizimida tizimli va qat'iy monitoring yuritish;

qonunchilik hujjatlari va topshiriqlar ijrosi bo'yicha "Ijro.gov.uz" tizimiga kiritilgan ma'lumotlar va tasdiqlovchi hujjatlarga asosan topshiriqlarni nazoratdan yechish yuzasidan O'zbekiston Respublikasi Adliya vazirligi va Hisob palatasi bilan muntazam ravishda hamkorlikda ish olib borish;

O'zbekiston Respublikasi Prezidenti, Prezident Administratsiyasi rahbarining va Vazirlar Mahkamasining hujjatlarida belgilangan topshiriqlar ijrosini ta'minlash bo'yicha olib borilayotgan ishlarni muntazam ravishda (*har oy yakuni bilan*) tahlil qilib borish, ushbu hujjatlarning ijrosini ta'minlash yuzasidan olib borilayotgan ishlar haqida vazirlik rahbariyatiga axborotlar taqdim etish vazifalari yuklatilsin.

8. Mazkur qaror topshiriqlarining ijrosini tashkil etishni vazirning o'rinbosari (*ijro intizomi uchun mas'ul*) R.Qarshiyev zimmasiga yuklatib, uning nazoratini o'z zimmamda qoldiraman.

Vazir



Sh.Xamrayev

(Korumb)  
(Uchun mas'ul)  
(Korumb)  
(Uchun mas'ul)  
(Korumb)  
(Uchun mas'ul)  
(Korumb)  
(Uchun mas'ul)